



Šri Lanka iz Sarajeva

21. juni 2025. - 29. juni 2025.

9 dana - 6 noći

“ Vodimo vas na putovanje u **egzotičnu** i posebnu zemlju koju zovu biserom Indijskog okeana – **Šri Lanka**. Zemlja koja se nalazi u Indijskom moru, južno od Indije bogata je predivnim plažama, nevjerovatnom prirodom i dugom tradicijom i kulturom.

Vodimo Vas na druženje sa ljubaznim lokalnim stanovništvom, na obilazak kakav nećete naći u ponudama drugih agencija. Neobično putovanje kroz džungle centralnog dijela ostrva, obilasci poznatih budističkih hramova, lokaliteta pod zaštitom UNESCO-a, branje i degustacija čaja, hranjenje slonova, surfanje na valovima samo su dio avanture.

Posjećujemo Hikaduvu (Hikkaduwa) i Kendi (Kandy) odakle idemo na neke od najnezaboravnijih izleta, Dambulu (Dambulla) – kompleks od pet hramova u pećinama, gdje ćemo vidjeti i čuveni Zlatni hram. Potom se upućujemo u Sigiriju (Sigiriya) (lavlju stijenu), kamenu tvrđavu pod zaštitom UNESCO-a.

Fakultativno ćemo posjetiti i farmu začina, Pinavelu (Pinnawala) i botaničku baštu Peradenija, i uživati u nestvarnoj prirodi i pogledu koji se pruža sa visine, kao i rudnik dragog kamena Moonstone te farmu kornjača. Neizostavan je i fakultativni izlet u grad Gol (Galle), koji krasi holandska arhitektura, i posjeta Mirise (Mirissa), koja važi za najljepšu plažu Šri Lanke.

Krenimo u nezaboravnu **avanturu** sa nasmijanim plemenom - čekamo te!





Jungle Travel d.o.o.
Branilaca Sarajeva 20/II,
71000 Sarajevo

PIB: 4202134850007
MB:
Broj licence:
Tekući račun:

Telefon: 033 552-552
E-mail: kontakt@jungletribe.ba
Sajt: www.jungletribe.ba

Plan i program

Dan 1: Okupljanje grupe i polazak

Okupljanje grupe na međunarodnom aerodromu u Sarajevu dva sata prije leta. Let iz Sarajeva u jutarnjim satima sa presjedanjem u Istanbulu. Dolazak u Istanbul u popodnevnim satima po lokalnom vremenu. Let za Colombo u večernjim satima.

Prevoz

Avionska karta sa svim taksama na relaciji Sarajevo - Istanbul - Colombo, u ekonomskoj klasi sa presjedanjem

Mesto

Sarajevo, Istanbul

Dan 2: Dolazak u Šri Lanku i transfer do smještaja

Dolazak na aerodrom u Colombu u ranim jutarnjim satima po lokalnom vremenu. Dobrodošli na ostrvo ukusa, bivši Cejlon, današnju Šri Lanku, zemlju čaja, dragog kamenja, nasmijanih ljudi, svile... Po dolasku, odmah se upoznajemo sa ovim nestvarnim ostrvom, starim Cejlonom - Panoramski obilazak Colomba. Užurbana azijska metropola, betonska džungla koja nikada ne spava. Ludilo na ulici, rikše jure kao u igrici, pijace na sve strane, veliki oblakoderi i nepregledni parkovi. Transfer za Hikkaduwa. Ulazak u smještaj. Slobodno vrijeme. **Noćenje.**

Prevoz

Transfer od aerodroma do smještaja

Smeštaj

Royal Hikkaduwa (1 noć)

Mesto

Istanbul, Colombo, Hikkaduwa

Dan 3: Fakultativni izleti – Vožnja katamaranima, rudnik Moonstone, farma kornjača...

Doručak. Avanturu počinjemo ranom zorom! Idemo na vožnju katamaranima po zelenoj laguni. Divit ćete se prirodi ovog mjesta. Potom ćemo posjetiti čuveni budistički hram koji je dostupan samo sa jezera. Potom odlazimo u rudnik dragog kamena Moonstone, po kome je Šri Lanka nadaleko poznata. Ovaj dragi kamen je moguće naći samo na ovom mjestu, tj. ovaj rudnik je jedini prirodni izvor Moonston-a na cijelom svijetu. Kasnije odlazimo na farmu kornjača koja se nalazi u blizini Hikkaduwe. Susret sa ovim lijepim stvorenjima će vas veoma oraspoložiti. U povratku ćemo imati priliku da vidimo ogroman spomenik koji su Japanci podigli na mjestu gdje je cunami prije par godina prevrnuo voz u kome se nalazilo preko 300 ljudi. Nastavljamo ka čuvenoj Unawatuna plaži i uživamo u talasima i zlatnom zalasku sunca. Povratak u Hikkaduwa. **Noćenje.**

Smeštaj

Royal Hikkaduwa (1 noć)

Hrana

Doručak × 1

Fakultativni izleti

Šri Lanka - Paket izleta

Dan 4: Fakultativni izleti - Obilazak riblje pijace i lokalnog sela

Doručak. Jutro započinjemo obilaskom riblje pijace i obilaskom lokalnog sela. Gledamo kako to živi lokalno stanovništvo, kakva je njihova svakodnevica i koji je recept za široke osmehe koji krase ove ljude.. Veče je rezervisano za uživanje u morskim plodovima u lokalnom restoranu. Spremili smo za vas odličnu večeru - degustacija raznih, svježih morskih delicija uz magični zalazak sunca i hladno lokalno pivo od 8.5 % alkohola. **Noćenje.**

Smeštaj

Royal Hikkaduwa (1 noć)

Hrana

Doručak × 1

Fakultativni izleti

Šri Lanka - Paket izleta

Dan 5: Dolazak u Kandy. Fakultativni izlet - Pinavela, fabrika čaja i plantaža začina

Doručak. Odjava iz hotela i transfer do Kendija. Smještanje u hotel. *Fakultativni izlet – Pinavela, fabrika čaja i plantaža začina* – odlazak na fakultativni izlet u oblasti Kendija. Prva stanica je *fabrika čaja*. Ovdje ćemo naučiti nešto novo i vidjeti kako izgleda proizvodnja najpoznatijeg napitka na svijetu, zatim ćemo imati priliku da degustiramo čaj i pogledati biljke koje se spremaju za dalju industrijsku obradu. Nakon toga, idemo u *Pinavelu*, rezervat za slonove gdje ćete uživati u druženju sa ovim prepametnim životinjama. Posjetioci ovog sela u većini slučajeva imaju priliku da ih nahrane i pogledaju kako se slonovi kupaju u obližnjoj rijeci. U povratku ćemo imati priliku da obidemo „*Spice Garden*“ (možda ste se pitali kako izgleda drvo vanile, cimeta, karanfilića, kaka, ananasa, kafe...) i pogledamo *plantaže čaja* čime završavamo ovaj izlet. Slobodno vrijeme po povratku u Kandy.

Noćenje.

Smeštaj

Oak Rey Serene Garden Hotel (1 noć)

Mesto

Kandy

Hrana

Doručak × 1

Fakultativni izleti

Šri Lanka - Paket izleta

Dan 6: Fakultativni izlet Sigirija i Dambula

Doručak. *Fakultativni izlet Sigirija i Dambula* – Jutarnji polazak autobusom na fakultativni izlet za *Dambulu*, kompleks od pet hramova u pećinama gdje ćemo imati priliku da vidimo i čuveni *Zlatni hram*. Potom se upućujemo u *Sigiriju (lavlju stijenu)*, kamenu tvrđavu sa prelijepim kulturnim naslijeđem iz antičkog perioda koja je pod zaštitom UNESCO-a. Povratak u Kandy. Slobodno vrijeme. **Noćenje.**

Smeštaj

Oak Rey Serene Garden Hotel (1 noć)

Hrana

Doručak × 1

Fakultativni izleti

Šri Lanka - Paket izleta

Dan 7: Fakultativni izlet - Hram Budinog zuba i botanička bašra Peradenija. Povratak u Hikkaduwu.

Doručak. *Odjavljujemo se iz hotela i idemo u obilazak Hrama Budinog zuba* - najvećeg svetišta Šri Lanke. Nakon toga idemo u *kraljevsku botaničku baštu Peradenija*. Prelijepa, nepregladna prostranstva nevjerojatne prirode – banjan drveće, kraljevske palme, vrt orhideja, viseći mostovi, zalutali varani i još mnogo toga. Transfer do Hikkaduwe. **Noćenje.**

Smeštaj

Royal Hikkaduwa (1 noć)

Mesto

Hikkaduwa

Hrana

Doručak × 1

Fakultativni izleti

Šri Lanka - Paket izleta

Dan 8: Fakultativni izlet - Grad Galle, plaža Mirissi i ribari u selu Weligama

Doručak. Dan rezervisan za obilazak južne i jugozapadne obale. Prva stanica nam je grad Gol (Galle), koji krasi holandska arhitektura i pregršt malih umjetničkih galerija i mirnih kafića. Iz Gola nastavljamo prema Mirissi, plaži koja važi za jednu od najljepših na Šri Lanci. Više puta je bila na listi najljepših plaža svijeta! Na kraju ove dnevne avature posjetit ćemo zaštitni znak Šri Lanke - ribari u selu Weligama, koji pecaju sjedeći na štapovima na sred mora! Večernji povratak u Hikkaduwu. **Noćenje.**

Smeštaj

Royal Hikkaduwa (1 noć)

Hrana

Doručak × 1

Fakultativni izleti

Šri Lanka - Paket izleta

Dan 9: Transfer do aerodroma i povratak u Sarajevo

Napuštanje smještaja u jutarnjim satima, transfer do aerodroma i let za Istanbul. Dolazak u Istanbul u popodnevnom satima po lokalnom vremenu. Konekcija za let i let za Sarajevo. Dolazak u Sarajevo u večernjim satima. **Kraj putovanja.**

Prevoz

Transfer od smještaja do aerodroma

Avionska karta sa svim taksama na relaciji Colombo - Istanbul - Sarajevo, u ekonomskoj klasi sa presjedanjem

Mesto

Istanbul, Sarajevo

Cene i uslovi

Šta je uključeno
Regularna cena 2.980,00 BAM
Promo cijena Vrijedi za prve 4 prijave! 2.480,00 BAM

Nije uključeno

- Međunarodno zdravstveno osiguranje (može se uzeti u agenciji)
- Individualne troškove nastale za vrijeme trajanja aranžmana
- Fakultativne izlete i ulaznice za kulturno historijske spomenike
- Viza za Šri Lanku (120,00 KM sa uslugom viziranja)

Uslovi plaćanja: Cijene aranžmana objavljene na web stranici izražene su sa uračunatim popustom i vrijede za plaćanje gotovinom u poslovnicu ili uplatu na transakcijski račun agencije.

Prilikom prijavljivanja plaća se avans u iznosu od 500 KM, a ostatak sume plaća se u agenciji ili putem banke najkasnije 30 dana pred put.

Nudimo vam mogućnost plaćanja **NA RATE karticama UniCredit banke**. Mogućnost odabira plaćanja od 2 do 24 rate.

Za kartično plaćanje primjenjuju se regularne cijene aranžmana, bez mogućnosti ostvarivanja popusta za gotovinsko plaćanje i vrijedi za sva putovanja ukoliko putnik aranžman plaća u poslovnicu karticom - jednokratno ili shopping karticom na rate.

Prijavljivanje: Preporučujemo ranije prijave jer je broj mesta ograničen. Prilikom prijave potrebno je dostaviti skeniranu prvu stranu pasoša, u suprotnom agencija ne snosi odgovornost od štampanja avio karata sa pogrešnim imenom. Prijava je validna jedino uz uplatu avansa. Dokumenta za vize potrebno je dostaviti najkasnije mesec dana pred put. Ukoliko putnici ne dostave dokumenta za vize u navedenom roku, dužni su da sami obezbede vize za putovanje. Ukoliko putnici sami pribavljaju vize, dužni su da kopiju vize dostave do 15 dana pred put.

Fakultativni izleti

Šri Lanka - Paket izleta

Cijena: 220,00 EUR

U ovom paketu izleta običi ćemo navedene atrakcije:

- **Panoramski obilazak Colomba** - užurbana azijska metropola, betonska džungla koja nikada ne spava. Ludilo na ulici, rikše jure kao u igrici, pijace na sve strane, veliki oblakoderi i nepregledni parkovi.
- **Vožnja katamaranima kroz zelenu lagunu.**
- **Obilazak farme kornjača.**
- **Obilazak Moonstone rudnika** - ovaj dragi kamen je moguće naći samo na ovom mjestu, tj. ovaj rudnik je jedini prirodni izvor Moonstone-a na cijelom svijetu.
- **Obilazak spomenika žrtvama cunamija** - spomenik koji su Japanci podigli na mjestu gdje je cunami prije par godina prevrnuo voz u kome se nalazilo preko 300 ljudi; Unawatuna plaža - uživamo u talasima i zlatnom zalasku sunca.
- **Obilazak Unawutu plaže.**
- **Obilazak Pinnawale** - rezervat za slonove gdje ćete uživati u druženju sa ovim prepametnim životinjama. Posjetioci ovog sela u većini slučajeva imaju priliku da ih nahrane i pogledaju kako se slonovi kupaju u obližnjoj rijeci.
- **Obilazak plantaže začina i fabrike čaja.**
- **Obilazak Sigirije - lavlje stijene** - kamena tvrđava sa prelijepim kulturnim naslijeđem iz antičkog perioda koja je pod zaštitom UNESCO-a;
- **Obilazak Dambule** - kompleks od pet hramova u pećinama gdje ćemo imati priliku da vidimo i čuveni **Zlatni hram**.
- **Obilazak Hrama Budinog zuba** - najvećeg svetilišta Šri Lanke.
- **Obilazak botaničke bašte Peradenija** - prelijepa, nepregladna prostranstva nevjerovatne prirode – banjan drveće, kraljevske palme, vrt orhideja, viseći mostovi, zalutali varani i još mnogo toga.
- **Obilazak grada Galle** - grad koji krasi holandska arhitektura i pregršt malih umjetničkih galerija i mirnih kafića.
- **Obilazak plaže Mirissa** - jedna od najljepših plaža na Šri Lanci.



Jungle Travel d.o.o.
Branilaca Sarajeva 20/II,
71000 Sarajevo

PIB: 4202134850007
MB:
Broj licence:
Tekući račun:

Telefon: 033 552-552
E-mail: kontakt@jungletribe.ba
Sajt: www.jungletribe.ba

- **Obilazak sela Weligama** - posjećujemo zaštitni znak Šri Lanke - ribare koji pecaju sjedeći na štapovima na sred mora.

Cijena izleta obuhvata, organizovan prevoz po predviđenom itinereru, sve ulaznice za navedene lokalitete, stručni lokalni vodič na engleskom jeziku, predstavnik agencije.

Smeštaj

Royal Hikkaduwa

Ovo je primer smeštaja koji možete da očekujete. Stvaran smeštaj može biti drugačiji, ali sličan u onome šta pruža.

Budžet hotel Royal Hikkaduwa je smeštajni objekat tipičan za područje Južne i Jugoistočne Azije. Sobe su uglavnom manje prostrane, sa dva ili tri kreveta i sopstvenim kupatilom. Usluga je na bazi noćenja s doručkom. Ime smještaja biće potvrđeno po formiranju grupe, a najkasnije 2 nedjelje pred put.

Sajt

<http://royal-hotels.net/>

Adresa

582
Galle Road Narigama
Hikkaduwa 80240
Sri Lanka

Oak Rey Serene Garden Hotel ***

Ovo je primer smeštaja koji možete da očekujete. Stvaran smeštaj može biti drugačiji, ali sličan u onome šta pruža.

Hotel Serene Garden 3* nudi udoban smještaj sa privatnim balkonom i besplatnim WiFi-jem, okružen tropskim zelenilom i pogledom na Kandy jezero. Hotel je udaljen samo 10 minuta hoda od centra grada Kandy i 10 minuta vožnje od poznatog Hrama Zuba.

Sobe su klimatizovane i opremljene mini barom i satelitskom TV. Gosti mogu uživati u međunarodnim jelima u krovnom restoranu sa panoramskim pogledom ili se odlučiti za posluživanje obroka u sobi. Hotel također nudi usluge pranja rublja, mjenjačnice i skladištenja prtljaga itd.

Sajt

<https://www.oakrayhotels.com/serenegarden/>

Adresa

189 Rajapihilla Mawatha
20000 Kandy
Sri Lanka

Prevoz

Avion

Putnički avion (linijski *putnički avion* ili komercijalni transportni avion) veliki je avion prvenstveno namijenjen komercijalnom prevozu putnika i tereta.

Lokalni transfer

Kombi prevoz je prevozno sredstvo za manje grupe putnika, najčešće do 15 ljudi.

Mesta

Sarajevo

Sarajevo je glavni i najveći grad Bosne i Hercegovine. Nalazi se na rijeci Miljacki, desnom pritoku Bosne, u istočnom dijelu sarajevsko-zeničke kotline. Sarajevo je najveći grad u Bosni i Hercegovini i istaknuti kulturni centar u Jugoistočnoj Europi. Grad je poznat po svojoj tradicionalnoj kulturnoj i vjernoj raznolikosti, sa pripadnicima islama, pravoslavlja, judaizma i katolicizma. Zbog svoje duge i bogate povijesti i pripadnosti, vjerskih i kulturnih raznolikosti, Sarajevo se ponekad naziva "Jeruzalem Europe".

Istanbul

Istanbul kroz historiju također poznat i kao Carigrad, Konstantinopolj ili Bizantium, najveći je grad u Turskoj, privredni, kulturni i historijski centar i jedan od najvažnijih gradova ove transkontinentalne države. Sa otprilike 12,56 miliona inostranih turista u 2015. godini, pet godina nakon što je proglašen za Evropsku prestonicu kulture, Istanbul predstavlja peti naposjećeniji grad na svijetu. Najveće turističke atrakcija grada su historijski centar, djelimično uvršten na UNESCOov spisak svjetske baštine, kulturni i zabavni centar koji se proteže uz gradsku prirodnu luku, Zlatni rog, u oblasti Beyoğlu i dr. Istanbul se smatra globalnim gradom kao i jedna od najbrže rastućih ekonomskih metropola na svijetu. Smješten na strateški važnom mjestu, nekadašnjem Putu svile.

Colombo

Colombo je glavni grad Šri Lanke i najveći grad na ostrvu sa oko million stanovnika. Riječ Colombo potiče od sinhaleške riječi Colom Tota, što znači morska luka. Colombo je bio važan centar i prije kolonijalnog perioda jer je bio dio Puta svile.

Hikkaduwa

Hikkaduwa je najpoznatije i jedno od najljepših ljetovališta Šri Lanke. Nalazi se na jugu ostrva, na obali Indijskog okeana i poznat je po dugim pješčanim plažama, a Hikkaduwa nazivaju i „surferskim rajem“.



Jungle Travel d.o.o.
Branilaca Sarajeva 20/II,
71000 Sarajevo

PIB: 4202134850007
MB:
Broj licence:
Tekući račun:

Telefon: 033 552-552
E-mail: kontakt@jungletribe.ba
Sajt: www.jungletribe.ba

Kandy

Kandy je kulturna prijestolnica Šri Lanke. Smatra se jednim od najljepših i najživopisnijih gradova. Nalazi se u središtu ostrva. Sam grad, kao i njegova okolina izuzetno su bogati prelijepom prirodom, tropskim vrtovima, kao i kulturnim i vjerskim objektima.

Korisne informacije

Šri Lanka

ŠRI LANKA

OPŠTI PODACI O ZEMLJI

Demokratska Socijalistička Republika Šri Lanka je ostrvska država u južnoj **Aziji**. Zauzima ostrvo Šri Lanku (u prošlosti zvan i Cejlon) te nekoliko manjih ostrva u Indijskom oceanu, jugoistočno od Indijskog poluostrva. Većinu zemlje zauzimaju nizije i brežuljkasta područja

Površina zemlje: 65.610 km², 119. po veličini u svijetu;

Broj stanovnika: 19.607.519

Glavni grad: Colombo

Nacionalnost: Dvije najveće zajednice su **Singalezi**, uglavnom Budisti (75%) i **Tamili** čija je religija tradicionalno **Hinduizam** (18%). Na ostrvu živi i značajna sunitska **muslimanska** zajednica (7%) čiji pripadnici govore **tamilskim jezikom**.

Službeni jezik: singaleški i tamilski

VIZA

Za državljane BiH obvezna je viza za odlazak na Šri Lanku. Cijena vize je 120,00 KM i vadi se online prije samog odlaska na putovanje. Pasoš u trenutku putovanja mora vrijediti još minimalno 6 mjeseci, a viza je odobrena u okviru od 24 sata od predaje zahtjeva. Stoga, vizu je dovoljno vaditi i dvije sedmice prije polaska, a sve potrebne informacije za vađenje vize dobit ćete od agencije.

VREMENSKA ZONA

UTC + 6, što znači 5 sati unaprijed u odnosu na BiH.

KLIMA

Klima je monsunska. Rijeke **Mahawelli**, **Bala** i **Gelani** obiluju vodom samo u kišno doba godine. Tropska je vegetacija veoma bujna, a pješčane obale obrasle su mangrovama. Godišnja količina padavina u jugoistočnim krajevima je oko 5 000 mm, a u sjevernima 1 000 mm. Prosječna godišnja temperatura na 1 000 m visine je 24.5, a u primorskoj ravnici 27.3 stepeni Celzijusovih.

HRANA I PIĆE

Šri Lanka je nadaleko poznata po dobroj kuhinji, naročito začinima i predstavlja mješavinu tajlandske, kineske i indijske kuhinje. Moguće je naći i zapadnjačku hranu - pizze, sendviče, paste, salate. **Bitno je napomenuti da se za piće koristi isključivo flaširana voda.** Svakako preporučujemo uživati u tradicionalnoj kuhinji i probati svježiju ribu, curry, rotti, cotty i klasičnu azijsku kuhinju koja se bazira na riži, ribi, piletni, svježem voću i povrću. Dobro je znati da stavljaju šećer u gotovo sve i u cijedeno voće, i u voćne salate, a na većini mjesta, čak i u omlate pa ako niste veliki ljubitelj slatkog recite im kad naručujete da ćete bez šećera.

Od alkohola, najviše se pije pivo, ledeno hladni Lion, koji posebno prija na visokim stepenima vlage koji vladaju na Šri Lanci.

ZDRAVLJE

Najbolje je da sami nazovete Institut za tropske i infektivne bolesti, ali po našem dosadašnjem iskustvu nema potrebe za vakcinacijom. U svakom slučaju, odluka je na Vama. Uvijek preporučujemo putnicima da za daleka putovanja ponesu probiotike, lijekove za prehladu i temperaturu za svaki slučaj. Takođe, ponesite i neko sredstvo protiv komaraca (Autan).

OSIGURANJE

Nije obavezno ali je svakako preporučljivo. Možete ga uplatiti u bilo kojoj osiguravajućoj kući ili kod nas do 5 dana pred putovanje.

SIGURNOST

Šri Lanka je zemlja gdje su stanovnici uglavnom budisti te su vrlo miroljubivi. Potrebno je paziti na vlastite stvari i imati na oku torbu i vrijedne stvari, kako biste se zaštitili od džeparoša. Situacija na Šri Lanci je stabilna i mirna, te nema nikakvih opasnosti od bilo kakvih sukoba. Naveče se preporučuje kretanje u grupicama od troje ili više ljudi kako ne bi bilo nikakvih problema.

ODJEĆA

Što se tiče stvari, ponesite ljetnu garderobu i spakujte što manje stvari. Ponesite i nešto dužih rukava i nogavica zbog aviona i obilaska hramova. Takođe uvijek savjetujemo da u ručni prtljag za svaki slučaj stavite i neke stvari koje Vam mogu zatrebati u slučaju da se prtljag izgubi. Savjetujemo da prtljag uvijete u zaštitnu foliju na aerodromu u Beogradu.

U većini smještaja postoji opcija pranja odjeće, jeftina je i operu robu sasvim dobro. Brzi su i ako im robu date danas, već sutra će biti spremna za novo nošenje. Takođe, tamo ćete moći i kupiti svašta, od dimija, kratkih majčica pa sve do kupaćih kostima.

LOKALNA VALUTA



Jungle Travel d.o.o.
Branilaca Sarajeva 20/II,
71000 Sarajevo

PIB: 4202134850007
MB:
Broj licence:
Tekući račun:

Telefon: 033 552-552
E-mail: kontakt@jungletribe.ba
Sajt: www.jungletribe.ba

Možete nositi eure ili dolare. Odnos je 1 eur = 176 rupija ; 1 dolar oko 130 SLR. Postoji mogućnost korištenja kartica, prije svega na bankomatima, ali ne treba se previše oslanjati na to. Provizije koje se uzimaju nisu velike, ali treba provjeriti s matičnom bankom.

Za sve fakultativne izlete potrebno vam je oko 200 €.

Ukoliko se ipak odlučite koristiti kreditne kartice, svakako najavite odlazak u inostranstvo svojoj matičnoj banci, jer znaju blokirati kartice radi nepoznate aktivnosti iz inostranstva te je tada potrebno dan do dva da Vam odblokiraju karticu.

KOMUNIKACIJA

Naše mreže funkcionišu na Šri Lanki. Što se tiče cijena roaminga, provjerite na stranicama Vaših mobilnih operatera. Možete kupiti i lokalne kartice koje nisu skupe. Što se tiče interneta i wi fi, konekcija zna biti sporija, ali je sasvim dovoljna za osnovnu komunikaciju.

TOPLA PREPORUKA

Šri Lanka je još uvijek turistički neistraženi dragulj koji se svakako isplati istražiti. Poznata je po začinima i zelenom čaju. Odvažite se na avanturu po bivšem Cejlonu, uživajte u osmijehu srdačnog stanovništva, otkrijepite se najboljim zelenim čajem u cijelom svijetu i uživajte u prirodi koja oduzima dah. Ponesite sa sobom mnoštvo začina, od kurkume i cimeta do vanile, te po povratku u BiH oživite mirise Šri Lanke u vlastitoj kuhinji.

Važne napomene

Opšte napomene:

- Organizator putovanja je JUNGLE TRAVEL d.o.o Sarajevo sa licencom 07-02-22-9594/19.
- Prilikom prijave potrebno je dostaviti kopiju pasoša/podatke pasoša sa kojim će putnik putovati na samo putovanje. Obavezno je da putnik provjeri trajanje i ispravnost putnog dokumenta, kao i broj slobodnih stranica potrebnih za putovanje.
- Svi pasoši moraju imati rok važenja minimum 180 dana (6 mjeseci) od dana povratka u zemlju.
- Organizator putovanja zadržava pravo promjena pojedinih sadržaja u programu uslijed vanrednih okolnosti i stvari koje agencija ne može predvidjeti, u vrijeme zaključenja ugovora.
- Organizator putovanja nije ovlašten i ne cijeni valjanost putnih i drugih isprava.
- Za sve informacije date usmenim putem agencija ne snosi odgovornost.
- Potpisnik Ugovora o putovanju ili predstavnik grupe putnika obavezan je da sve putnike upozna sa ugovorenim programom putovanja, uslovima plaćanja i viziranja i OPĆIM USLOVIMA PUTOVANJA JUNGLE TRAVEL-a.
- Putnici su dužni da dva dana pred put provjere tačno vrijeme i mjesto polaska grupe.
- Putnik je dužan da se sam upozna sa pravilima ponašanja zemlje u koju putuje i da poštuje važeće zakonske carinske propise.
- U prevoznim sredstvima je najstrožije zabranjeno pušenje, konzumiranje alkohola i opojnih sredstava.
- Putnici su dužni da, u autobusu i drugim prevoznim sredstvima kojima se vrši transfer, ostanu na svojim mjestima, i ne smiju ih napuštati na mjestima koja nisu predviđena za pauze (granice, check point stanice, naplatne rampe itd). U slučaju da putnik napusti vozilo bez prethodnog dogovora sa predstavnikom agencije, sam snosi sve eventualne troškove i posljedice.
- Putnik koji svojim neadekvatnim ponašanjem uznemirava druge putnike ili ometa vozače i pratioca u poslu, bit će odmah isključen sa putovanja i sva odgovornost prelazi na njega bez prava na žalbu i povrat novca.
- Putnik je dužan da poštuje satnicu određenu od strane predstavnika agencije na putovanju, u suprotnom predstavnik agencije ima pravo da putnika isključi sa putovanja.
- U turističkim autobusima nije moguća upotreba toaleta; u skladu sa planom i programom puta pauze se prave na 3-4 sata (u zavisnosti od lokacije i opremljenosti benzinske stanice) koje putnici mogu iskoristiti za upotrebu toaleta.
- Agencija određuje raspored sjedenja, mjesto polaska, mjesta za pauzu i dužinu iste; uplatom prevoza, putnik prihvata sve gore navedeno, bez prava na prigovor i žalbu.
- Aranžman je rađen na bazi od minimum 10 putnika za daleka putovanja i 50 putnika za evropska putovanja.
- U slučaju nedovoljnog broja putnika za realizaciju aranžmana ili drugih objektivnih okolnosti, organizator putovanja obavještava putnike o otkazu aranžmana najkasnije 10 dana prije datuma polaska za daleka putovanja i 5 dana prije datuma polaska za evropska putovanja.
- Kod aranžmana koji uključuju prevoz avionom, nakon kupovine aviokarata nemoguće je refundiranje istih i u tom slučaju važe uslovi avio kompanija.
- Kod aranžmana koji uključuju prevoz low cost avio kompanija, u slučaju odlaganja leta, otkaza ili gubitka konekcije putnici su dužni da sami plate novonastale troškove i agencija ne može da utiče na okolnosti koje su van njenog dometa.
- Cijene low cost aranžmana podložne su promjenama i po uplati avansa se provjeravaju tarife i putniku se potvrđuje cijena aranžmana.
- Agencija ne snosi odgovornost usljed promjena aviokonekcija od strane aviokompanije.
- Satnice letova navedene u planu i programu ili dobijene od strane agencije podložne su promjeni i isključivo zavise od aviokompanije.
- Agencija zadržava pravo odabira prevoznog sredstva za transfere i vrši ih do smještaja ukoliko je to fizički moguće.
- Za sve ponuđene ili dostupne opcione doplate u vezi sa planom i programom puta ili smještajem, potrebno je izjasniti se prilikom prijave za putovanje.
- Ukoliko neki putnik sam odluči da promijeni dio plana i programa puta, agencija nema odgovornost da tom putniku obezbijedi transfer/raniji ili kasniji check in ili check out u smještaj/druge noćenja u smještajima, od onoga što je predviđeno planom i programom puta.
- Maloljetni putnici prilikom putovanja moraju imati ovjerenu saglasnost roditelja.
- Zbog poštovanja satnica predviđenih programom putovanja, kao i poštovanja vremena ostalih putnika iz grupe, ne postoji mogućnost zadržavanja na granici koja predstavlja izlazak iz Evropske Unije, radi ovjere računa i povrata poreza iz Evropske Unije (TAX FREE)
- Naša preporuka je da povedete računa na Vašem putovanju o ličnim dokumentima i novcu.
- Za ovaj aranžman primjenjuju se OPŠTI USLOVI PUTOVANJA uskladjeni sa UTABIH standardom.

Napomene u vezi sa smještajem:

- Organizator putovanja, JUNGLE TRAVEL, zadržava pravo rasporeda po sobama, u skladu sa strukturom soba smještajnog objekta; ukoliko postoji mogućnost, agencija se trudi da izađe u susret željama putnika (molimo Vas za razumijevanje, budući da je ovo putovanje zamišljeno kao dobra zabava i avantura).
- U smještajne objekte se ulazi prvog dana boravka u skladu sa pravilima tog smještajnog objekta. Najčešće je check-in u popodnevni satima (14h ili 15h), a check-out je



Jungle Travel d.o.o.
Branilaca Sarajeva 20/II,
71000 Sarajevo

PIB: 4202134850007

MB:

Broj licence:

Tekući račun:

Telefon: 033 552-552

E-mail: kontakt@jungletribe.ba

Sajt: www.jungletribe.ba

posljednjeg dana boravka najčešće do 10h ili 11h.

- Opisi smještajnih objekata su informativnog karaktera.
- Neki od dopunskih sadržaja smještajnih objekata su dostupni uz doplatu. Postoji mogućnost odstupanja i promjena oko dostupnosti nekih sadržaja, jer isključivo zavise od smještajnih objekata (npr. sef, parking, mini-bar, TV, klima uređaj...)
- Putnik je dužan da poštuje pravila smještajnog objekta i sam snosi odgovornost usljed sankcionisanja od strane osoblja smještajnog objekta.
- U nekim smještajima Azije, Afrike i Latinske Amerike nema vruće vode.
- Smještajni kapaciteti vrše smještaj putnika i određuju raspored i tip soba prema svojoj raspoloživosti u datom trenutku. Agencija nije u mogućnosti da klijentima potvrdi da li će kreveti biti twin (razdvojeni) ili double (veliki francuski ležaj), kao ni spratnost u samom smještaju, osim ukoliko to nije posebno naznačeno Ugovorom. Klijent je uplatom aranžmana saglasan sa tom činjenicom i uslovima smještaja bez prava na žalbu.
- Putnici koji putuju sami u nekim programima imaju mogućnost da uz doplatu budu sami u jednokrevetnoj sobi. Ukoliko putnik želi da se spoji sa nekim drugim putnikom iz grupe i ne želi da plaća doplatu, prihvata da se spoji sa bilo kojom osobom iz grupe, bez obzira na godine i pol saputnika. U tim situacijama, agencija apsolutno ne odgovara za bilo kakve eventualne neprijatnosti ili neslaganja koje putnici mogu da imaju na putu.

Napomene u vezi sa fakultativnim izletima:

- Fakultativni izleti nisu obavezni dio putovanja.
- Termini i cijene fakultativnih izleta su promjenljivi i zavise od slobodnih termina po lokalitetima, broja prijavljenih putnika i objektivnih okolnosti.
- Fakultativni izleti se realizuju od strane lokalnih agencija i Jungle Travel nije u mogućnosti da utiče na stvari Van dometa agencije vezane za samu realizaciju izleta.
- Fakultativne izlete vode lokalni vodiči na samim lokalitetima na engleskom jeziku. Uplatom izleta putnik prihvata sve uslove lokalne agencije bez prava na žalbu.
- Agencija ne može uticati na dužinu trajanja putovanja do lokaliteta, vremena polaska, povratka ili obilazaka kao ni stručnost lokalnih vodiča.
- Prilikom uplate fakultativnog izleta, putnik prihvata uslove lokalne agencije, organizatora fakultativnog izleta, i dužan je da o uslovima obavijesti saputnike za koje uplaćuje izlet. Bilo kakve naknadne izmjene, promjene i odustajanja od izleta nakon uplate, nisu moguća, niti je moguće u bilo kojim okolnostima refundirati uplaćeni novac.
- Molimo sve putnike da se prije uplate fakultativnog izleta upoznaju sa predviđenim itinerarom i uslovima fakultativnog izleta.

Napomene u vezi sa vizama:

- Putnici su u obavezi da se upoznaju sa viznim režimom države u koju putuju.
- Pojedine ambasade zahtjevaju lično prisustvo putnika prilikom viziranja i putnici su dužni da pravila ambasade ispoštuju.
- Putnici su dužni da dokumenta za viziranje dostave najkasnije mjesec dana prije putovanja, a ukoliko ih ne dostave u navedenom roku, dužni su da sami obezbijede vize za putovanje.
- Putnici koji ne posjeduju nove biometrijske pasoše BiH dužni su da se sami upoznaju sa viznim režimom države u koju putuju i da sami obezbijede vize za putovanje.
- Agencija ne garantuje dobijanje vize i nije ovlaštena da utvrđuje validnost dokumenata.
- U slučaju nedobijanja vize agencija ne snosi odgovornost.